



KHUTBA JUMMAH

HADHRAT MUHYI-UD-DIN AL-KHALIFATULLAH

Munir Ahmad Azim

09 Decembre 2016
(08 Rabi'ul Awwal 1438 AH)

*Après ki li fine salué tous so bane disciples (et tous bane musulmans) dans le monde entier avec la salutation de paix dans l'Islam, Hazrat Muhyi-ud-Din Al-Khalifatullah (atba) fine lire Tashahhud, Ta'uz, et Surah Al Fatiha, et li fine ensuite axé so Khutba Jumma lor « **Le Concept de la Révélation Divine (1^{er} Partie)** » :*

Allah dire dans Quran Shareef:

قُلْ لَا يَعْلَمُ مَنْ فِي السَّمَوَاتِ وَالْأَرْضِ الْغَيْبَ إِلَّا اللَّهُ وَمَا يَشْعُرُونَ أَيَّانَ يُبْعَثُونَ ۗ بَلِ ادْرَكَ
عِلْمُهُمْ فِي الْآخِرَةِ ۗ بَلْ هُمْ فِي شَكٍّ مِّنْهَا ۗ بَلْ هُمْ مِّنْهَا عَمُونَ ۗ

Qul-laa ya'-lamu man-fis-samaawaati wal-'ardi-ghayba 'illallaah; wa maa yash-uruuna 'ayyaana yub-'asuun. Baliddaaraka 'ilmuhum fil-'Aakhirah: bal hum fii shakkin-minhaa; bal hum-minhaa 'amuun!

« Dire : 'Personne dans bane les ciels et la terre conne tous secret à part Allah, et zot pas ena aucaine l'idée kan zot pou réssuciter. Eski zot connaissance alle ziska la vie future ? En fait, zot ena des doutes lor là. Zot pluto dans l'obscurité lor là. » (An-Naml 27: 66-67).

Sa deux versets là fine servi pour explique bane limites de la connaissance humaine. Peu importe l'intelligence de la race humaine, zamais li pas pou capave prouve les deux croyances religieuses fondamentales: celui de l'existence d'Allah (Bondié) et de la vie après la mort. Nous toujours dans le doute lor sa bane concepts là ou, comme le Quran Shareef indiqué, nous « aveugles » concernant zot. La compréhension complet de sa deux principes là li au-delà de la capacité humaine, mais même coumsa, nous continuer croire ki Bondié existé et ki ena ene

la vie après la mort. Ki le lien ki ena entre sa connaissance divine là et nous croyance en li? C'est saki nous appelle Révélation Divine.

La Révélation Divine capave et en verité li bel et bien engendre la certitude dans l'esprit humain. La connaissance de l'homme capave, au mieux, conduire à la conclusion ki bizin ena ene être divin (c'est-à-dire, ene Bondié) et ene la vie après la mort, mais c'est la Révélation Divine tousél ki capave change sa (c'est-à-dire, li confirme sa hypothèse là et fer sa vine ene certitude).

Mo présente devant zot quelques écrits du Messie Promis, ki tous bane Ahmadis du monde en entier croire dans li. De ce fait, dans so bane écrits, le Messie Promis Hazrat Mirza Ghulam Ahmad (as) fine expliqué ki l'univers capave être divisé en trois parties:

(1) Le monde ki manifeste et visible par nous bane sens physiques.

(2) Le monde ki cachiette et ki capave être compris par la raison et bane suppositions (bane spéculations), et,

(3) Le monde ki cachiette au-delà de saki cachiette.

Sa lé monde là (c'est-à-dire, sa lémonde ki cachiette au-delà de saki cachiette) li tellement caché de la perception de bane dimounes, ki ena bien tigitte dimounes même ki prend conscience de so l'existence. Sa lé monde là li entièrement invisible et la raison pas capave atteindre li excepté par bane suppositions (bane spéculations). Sa lé monde là pou capave être compris complètement (et dans so vrai sens) zis par la Révélation Divine. Nous arrive maintenant à la question **« Ki été la Révélation? »**.

Dans so exposé de la philosophie de bane l'enseignements de l'Islam, Hazrat Massih Maoud (as) définir la révélation comme étant bane paroles d'ene Dieu ki vivant et ki cause avec bane paroles puissants avec ene de So serviteur choisi, ou celui avec ki Li envie causer.

Pas ena ene stade supérieur de la compréhension d'Allah, l'Unique Bondié dans sa lé monde là excepté la Révélation Divine. C'est l'étape kot bane l'âmes zot complètement satisfait et tous bane doutes et bane soupçons zot enlevé, disparaite. Kan ene dimoune arrive à sa stade là, li atteindre la compréhension pour laquelle li fine être créé. Sa l'étape là li vraiment la clef (ki ouvert la porte) léciel, ki prouve à ki point le vrai Créateur Li proche de So créature ki bien faible

(c'est-à-dire, l'homme, la race humaine). Dans une autre place, Massih Maoud (as) affirmé ki la révélation li ene message ki vine du monde caché et ki alors li pas dépanne d'ene réflexion ou d'ene pensée profond. L'âme pas rencontre aucune obstacle ou complication spirituelle à sa sujet là. L'âme ena ene l'accord éternel avec la révélation kot li jouir de la révélation pareil couma ene amoureux li trouve so plaisir dans contempler so bien-aimé. C'est sa communication d'Allah, extraordinairement bon là, ki appelle: révélation.

Après avoir établi une définition de la révélation, nous capave passe à la question: « **Eski ena ene besoin de la Révélation?** » La réponse vine à nous sous forme d'ene argument analogique: Nous observer ki tout désir ki Allah fine planté dans le système physique, Li fine aussi fourni ene moyen pour zot satisfaction. Ene lé corps humain ressentir la faim et li bizin nourriture. Donc, Allah fine fourni plusieurs types de nourriture pour le corps humain. L'homme bizin l'air pour respirer et pour entendre la voix de bane les z'autres et Allah fine fourni l'air. De même, l'homme fine bizin ene épouse et la femme aussi fine bizin d'ene époux. Bref, quel que soit bane désirs ki Allah fine planté dans le corps humain, Li fine aussi fourni ene moyen pour zot satisfaction. Li bon ki nous considère maintenant ki, kan tout fine prévoir pour l'accomplissement de bane besoins physiques de sa lé corps ki pou mort ene zour là, alors nous bizin calculé commié plisse encore (Allah) fine bizin prévoir pour l'accomplissement de bane désirs purs de l'âme ki fine créé pour l'amour éternel et pour la reconnaissance et l'adoration d'Allah; Et sa disposition/ provision là c'est la révélation divine et bane signes divines, ki dirige ene dimoune ki ena bane connaissance bien faible vers ene certitude complet. Alors ki Allah fine accorde à lé corps de l'homme (la race humaine) bane provisions pour satisfaire so bane besoins, de même Li fine accorde à l'âme bane dispositions pour la satisfaction de so bane besoins afin ki bane systèmes physiques et spirituels zot vine en accor (en accorité).

Par conséquent, logiquement parlant, aucune dimoune sage pas capave accepter ki Celui fine créé dans nous la soif pour atteindre une compréhension parfaite (c'est-à-dire, Allah), fine refuse pou fourni nous avec une mesure complet de la compréhension. Ici fine pose nous sa grand question ki bien important là. Eski Allah fine créé l'homme tellement malheureux ki li pou complètement déçu pour gagner dans sa lé monde là, une mesure complet de la satisfaction ki so l'âme désirer et ki so lé cœur désiré en saki concerne la reconnaissance d'Allah? La réponse li certainement « **Non** ».

Après avoir ki nous fine prouve la nécessité de la révélation divine, nous bizin passe maintenant à la réception réelle de la révélation. D'après le Messie Promis

Hazrat Mirza Ghulam Ahmad (as), ena trois conditions ki bizin avant tout rempli avant ki kitchose li être accepté comme la Parole d'Allah.

(1) Faudé pas li opposé au Quran Shareef;

(2) Sa bane mots là bizin dessane lors ene dimoune ki so l'âme fine complètement purifié. Et sa dimoune là bizin ene dimoune ki fine éloigne li complètement de so bane passions et ki fine soumette li à ene la mort à travers quoi li capave approche li pli près de Allah encore et éloigne li bien loin de Shaytane.

(3) L'action d'Allah bizin témoigne de bane paroles ki récipiendaire de bane révélations divines là attribué à Allah, c'est-à-dire ki beaucoup de bane signes bizin apparaître en so faveur, comme so soutien kot alors li pou vine ene folie pou (n'importe ki dimoune pou) nier la véracité de sa dimoune là en question. Hazrat Massih Maoud (as) proclame ki sa condition là li au-dessus de tous bane les autres conditions et ki: C'est ene condition tellement parfait ki personne pas pou capave rejette li. C'est ene condition à travers quoi bane vrais prophètes d'Allah fine toujours gagne la victoire lor bane ki fausses. Kan ene dimoune proclame ki la parole d'Allah dessane lor li et des centaines de signes apparait avec li, et mille types de soutien et de l'aide Divine zot affiché (en so faveur) et Allah attaque so bane l'ennemis ouvertement, alors ki sanlà capave ozé dire ki sa dimoune là li fausse ? (Tatimma Haqeeqatul-Wahi, page 102).

Mais la révélation li pas limiter seulement à bane prophètes. Li pas même limité à bane ki bons. Bane ki recevoir révélation capave classe zot dans trois catégories:

Premièrement, bane ki pas ena aucaine mérite et pas ena aucaine rapport avec Allah (twa). Sa bane dimounes là, à cause de zot baggage intellectuelle, zot trouve bane vrais rêves et zot recevoir détros vraies visions aussi, mais selman ki pas contenir aucaine indication ki zot bane dimounes ki Allah content et accepter, et sa bane dimounes là pas tire aucaine profit de zot rêves et visions.

Insha-Allah, Ki Allah (swt) donne moi le *Tawfeeq* pour contigner mo Khutba lor le même sujet, c'est-à-dire le Concept de la Révélation Divine, vendredi prochain, et *Insha-Allah*, mo pou explique lor deuxième et troisième types de bane dimounes ki capave zot aussi vine bane récipiendaires de révélations divines. Alors mo arrête ici même pour le moment. Ki Allah éclaire zot les cœurs avec la douceur de So bane paroles ki vine d'ene cœur purifié. Mo fer duah ki mo bane véritables disciples, suivants et chercheurs de vérité sincères zot plonge au plus profond de sa la fontaine de miséricorde et de proximité divine. *Ameen*.

ANNONCE:

1. Tout d'abord, mo bizin remercier Allah (swt) beaucoup, la façon ki Allah (swt) fine guide moi pour faire ça travail noble là, c'est-à-dire, le voyage ki mo fine faire réssammen) et aussi, sans oublier tous bane membres du Jamaat Ul Sahih Al Islam ki fine participé zot aussi dans sa travail béni là, avec zot duaHS. Ene voyage ki fine faire par la grâce d'Allah pendant 19 jours dans Singapore, Indonésie, Thaïlande, la Chine et Malaisie.

C'est par la grâce et bénédiction d'Allah ki le message de l'Islam et de la Manifestation Divine avec la venue d'ene Choisi d'Allah dans sa siècle là (ki Allah fine éléver avec ene Jamaat – Jamaat Ul Sahih Al Islam) fine bien passer.

Mo bizin dire ki par la grâce d'Allah ki le message fine être accueilli par bane dimounes avec grand enthousiaste et de sincérité dans tous les 5 grand pays et kot le Jamaat Ul Sahih Al Islam fine établi officiellement. Maintenant le travail continue avec nous bane membres de sa 5 pays là, kot ena aussi bane responsables et bane Managing Committee. Fine ena beaucoup de bane anecdote extraordinaire fine manifester, tous sa là par Allah (swt) So l'aide et So grâce. Seul Allah (swt) conner kot ena bane "pure hearts" (bane ki ena lékaire pure), bane chercheurs de vérité, soif de vérité, ki pé attane ki dans sa siècle là bizin ene Messenger de Dieu paraîte et zot fine trouve li en chair et en os. C'est zot duaH ki zot ti pé faire; Allah (swt) fine fer zot duaHS *Qabool* (fine accepter zot duaHS).

Aujourd'hui dans sa Khutba Jummah là mo pas pou capave raconte zot bane signes d'Allah ki fine manifester pendant mo visite dans sa cinq pays là, ainsi ki bane anecdotes extraordinaire. Mo fine demande zot pou écrire tous sa là zot-mêmes. *Insha-Allah*, kan l'heure arriver pou mette li lor website, nous pou mette li. C'est pas ene façon pour flatter, ni pé dire sa avec ene fierté. Non! Seulement sa capave augmente la foi de nous bane les zot membres, *Insha-Allah*.

Par la grâce d'Allah, mo fine faire Jummah à Indonésie dans ene ti place kot nous Imaam là-bas fine fer ene résumé de mo Khutba en langue Indonésien. Ene jeune Imaam ki bien dynamique.

Mo Khutba Jummah (c'est-à-dire, le 25 Novembre 2016) ti bazé lors **l'importance Jummah** et bizin faire place aussi pour bane madames gagne bénédiction de Jummah, kan ene chapitre dans Quran fine dessane – Surah Jumu'ah – kot là-dans Allah pas fine dire, "Ô bane z'hommes" tousel, mais Allah fine dire, "Ô bane

croyants”, tous bane croyants, ki inclure aussi missiés et madames, garçons et filles. De ce fait, “Ô bane croyants” englobe tous bane hommes et femmes croyants. Alors ki faire bizin ferme la porte Masjid (pour Jummah) à bane madames? Jour Jummah, z’hommes dans Masjid pour Jummah et madames dans la caze ou sois lor chemin, sois devant télévision, ou dans Shopping Centre etc., bé ki l’éducation spirituelle zot pour donne bane zenfants ki pé né, bane futures générations, parski c’est bane mamans zot-même ki bane premiers professeurs pour zot zenfants. Si zot capave alle faire le Hajj et Umra et pendant Hajj et Umra zot pé capave faire Jummah, bé ki faire tous les vendredi zot privé de Jummah? – Bref de Khutba Jummah – 25 Novembre 2016 (Indonésie).

*Deuxième Khutba Jummah ti fer à Baiyyun Mountain, Guangzhou en Chine, kot fine cause lors **L’Islam comme La Religion Parfait** ki fine vini avec ene Livre parfait, le Saint Coran, et être ene croyant dans l’islam veut dire ki bizin accepter tous bane prophètes ki Allah (swt) fine envoyé, sans exception, et nous croire aussi lor Hazrat Buddha (as) comme prophète de Dieu, pas comme Dieu, ni Jésus (as) aussi nous pas croire comme Dieu, ni fils de Dieu, mais comme le Messie ki Dieu fine envoyé pour le peuple Israël (pour contigner le travail de Moïse (as)). – Bref de Khutba Jummah – 02 Décembre 2016 (Chine).*

*Dans Malysie, malgré ki pas fine fer Jummah là-bas mais selman fine réuni bane nouvo membres du Jamaat Ul Sahih Al Islam et faire **ene discours très émouvant**, très touchant couma bane musulmans bizin vive en harmonie avec la paix, sans division, et ki nous tous ensam nous bizin attrape fort la corde d’Allah et pas divisé et pas laisse bane non-croyants aussi alle divise zot, et ki zot bizin aide zot bane frères et soeurs ki dans difficulté, ki lors chemin droit, ki fine persécuté dans zot pays fine vine là, et zot pé mendié lors chemin, li donne ene mauvais l’image à l’Islam – kot pas pé aide sa bane frères et soeurs là, surtout dans ene pays kot la majorité musulmans. Allah (swt) fine élève le Jamaat Ul Sahih Al Islam et maintenant le Jamaat Ul Sahih Al Islam fine établi ici, et donc, li ene grand bénédiction pour zot tous ici kot Allah (swt) fine donne zot sa l’énergie là, sa séromme là pour servi zot bane frères et soeurs couma zot même en premier et aussi servir l’humanité ki dans le détresse.*

Par la grâce d’Allah, dans tous les cinq pays, Allah (swt) fine faire sa bane travail là vine ene grand succès dans tous so façon et spécialement dans côté la spiritualité. Alhamdulillah, Summa Alhamdulillah.

2. Kan mo fine rentre à Maurice, mo fine apprane avec beaucoup de tristesse la mort de garçon de Nasir Ahmad Sultani Saheb. So garçon appelle Muhammad

Sultani et li fine décédé le 29 Novembre 2016 à l'âge de 2 ans. *Innallillaahi wa inna ilayhi raajjioun*. Ki Allah (swt) donne li et so famille courage et patience dans sa malheur là parski li pas facile kot ene parent perdi ene zenfant. Bane ki perdi (zenfants) ki conne sa souffrance là. Faudé pas personne réjouir lors malheur de so prochain. Azordi pour li, et demain ou pas conné ki capave arrive ou. Alors faire duahs pour bane ki passe dans sa bane malheur là. Sa c'est travail ene vrai croyant. Nous aussi nous faire duah pour le petit Muhammad Sultani, ki Allah (swt) donne li ene bon place dans le Jannatul-Firdaus. En mon nom personel et au nom du Jamaat Ul Sahih Al Islam, nous présente nous sincère condoléances à Nasir Ahmad Sultani Saheb et so famille.